

վառներում, ճիշտ է համեմատած շատ ավելի դանդաղ, շնորհիվ այն հանգամանքի, որ Զանգեզուրն երկար տասնամյակներ մեկուսացած մնաց ուրիշ անդրկովկասյան վայրերից, մանավանդ Կուր գետի անմիջական հարևանության շրջաններից, որոնք այդ պրոցեսին ենթարկվեցին շատ ավելի վաղ և ավելի խոր: Զանգեզուրն էլ հետզհետե դառնում էր ուսական գործարանների արտադրանքների սպառման շուկա, ինչպես մի այնպիսի անկյուն, որտեղից այդ գործարանները ստանում էին բուրդ, կաշի, կոկոն, վերջը նաև պղինձ: Տարեցտարի աճող փոխանակության ներգործության տակ Զանգեզուրի գյուղերումն էլ կատարված էր նոր դասակարգային շերտավորում և գյուղական շենքերի մեջ XX դ. սկզբներին արդեն պարզ նկատվում էր հարուստ, միջին և աղքատ տնտեսությունների տարբերությունը: Քաղաքի տների ճարտարապետական հատկանիշները — թիթեղե տանիքը, երկաթացանց պատշգամբները՝ հաճախակի կանաչով զարդարված, լայն պատուհանները, սենյակների մուտքի առջև նախասենյակն և այլ մանրամասնություններն, արդեն կրկնվում էին նաև գյուղական հարուստ, իսկ շատ ավելի մեղմացած շափերով և միջակների տներում: Գյուղը իր ներքին պատկերը՝ զարգամների բլրաձև տանիքների կուտակումների միապաղաղ պատկերը, հետզհետե փոխում էր...: Ցածրահասակ, մեծ մասամբ գետնի մեջ թաղված միօրինակ շենքերի միջից այս ու այն տեղ բարձրանում էին և աչքի էին զարնում երկհարկ, բազմաձև պատշգամբներով. գեղեցկացրած, լայն բակերի պարիսպների մեջ առանձնացած կառուցումներ:

Վերջին հարյուրամյակում առաջ էր եկել գյուղերի բնույթը փոխող մի այլ ազդակ: Գավառում հաստատվում էր ուսական վարչական ձևը և դրա հետ միասին զինվորական և քաղաքացիական մարմիններում ծառայող թեև փոքրաթիվ, բայց ազդեցիկ պաշտոնեությունը, որն իր բնակարանային պահանջներով էր հանդես գալիս: Մելիքական շրջանում, թե՛ 1826—1828 թթ. պարսկական պատերազմից առաջ և թե՛ հետո, կառավարությունը հարկադրված էր տեղում պահել զորամասեր: Սենատոր Հանի օրենքի գործադրությունից անմիջապես հետո շատացավ ուստիկանական և դատական պաշտոնավարների թիվը, կանոնավորվում էր ֆինանսական ծառայությունը, կարգի էր բերվում փոստ-հեռագրատունը, գավառապետին կից գործող պետական ապարատն իր խիստ կենտրոնացմամբ բարդանում էր: Գավառապետի նստավայրը՝ Գորիս գյուղն<sup>4</sup> իր սյունանման ժայռաբուրգերի մեջ սեղմված նեղ տարածությունով հարմարություն չէր ընձեռում այդ բազմազան պետական հիմնարկների համար, ինչպես և արագ բազմացող առևտրական պահեստների և խանութների համար: Նեղվածք էր նաև այն արհեստանոցների համար, որոնք սպասարկում էին տեղական բնակիչների աճող պետքերը: Կյանքը հրամայյորեն թեկադրում

<sup>4</sup> Գորիս գյուղը XIX դ. սկզբներին առաջավոր ուղղակայան էր պարսկական սահմանադրի մոտ: «1826 թ. հուլիսին պարսիկների հանկարծակի ներխուժման ժամանակ Գորիսում գտնվում էին 42-րդ եգերական գեղի երեք վաշտերն երկու թնդանոթներով, նազիմկա ենթազնդապետի հրամանատարության ներքո: Իմանալով Աբաս-Միրզայի մի ուժեղ զորախմբի ներխուժման մասին՝ ուսական զորաբաժինը սկսեց նահանջել դեպի Շուշի, բայց շուտով շրտկողմից շրջապատված էր թվով կրկնապատիկ գերազանցող թշնամուց: Զինվորները հերոսաբար կռվում էին: Սպանվածների թիվը մեծ էր: Կենդանի մնացած սպաներն ու զինվորները գրեթե բոլորն էլ վիրավորված էին: Զորաբաժինը հարկադրված էր անձնատուր լինել: Գերիները տարվեցին Պարսկաստան, որտեղից ազատվեցին 1828 թ. Փուլսմենշայի դաշնագրով չհամաձայն: «Памятная книжка Елисаветпольской губ.» на 1914., էջ 376: